



PRES RILIS

TRBR I sakemaot ol toktok se 5G I kosem COVID-19

Ofis blong Telekomunikesen, Radiokomunikesen mo Brodcasting Reguleta (TRBR) i save se i gat plande toktok i stap go raon long komuniti, se Mobael Netwok blong 5G nao i stamba blong sik Coronavaerus, (COVID-19).

Intanasonal Telekomunikesen Union (ITU) we hem i main bodi we i lukaot ol telekomunikesen raon long wol tede, i talem se 5G, or wanem oli talem 'fifth Generation' (faev jeneresen), hemi wan niu mobael teknologii we i jes kamaot nomo long 2019.

Mo 5G ia, i representem wan evolusen blong telekomunikesen standed we i go antap moa, mo 5G i save usum ol hae frekwenci i go kasem 3.5 GHz mo i iven save go antap moa long level blong plante moa GHz.

Tede exposa lo rediesen blo 5G we i iusum frikwenci 3.5GHz, i semak nomo long ol beis stesen we ol nara mobael fon teknologi tede, olsem 3G mo 4G. (folem ripot blong ((ICNIRP), 2020).

Ol beis stesen ia nao, i stap putumaot or givimaot ol redio frekwenci, elektromagnetic (RF, EMF) rediesen lo rens long MHz mo i save go kasem GHz.

Ol stret frekwenci band, we ol difren teknologi (GSM, UMTS, CDMA2000, 4G, mo 5G) we oli usum i difren long difren kantri. ((ICNIRP), 2020).

Ol big bodi long wol olsem Wol Helt Okanaisesen (WHO) mo Intanasonal Komisen blong wanem oli kolem 'Non-Ionizing Radiation' or (ICNIRP), olgeta nao i stap setemap ol limit mo standed blong exposa or spesel paoa blong RF EMF.

Ol limit (o wea ples paoa blong ol niu teknologi ia or mobael fon i iusum) oli setemap gud, blong mekem sua se level blong paoa blong olgeta, i no hae tumas blong i no save givim sik i go long man.

Kasem tede mo folem plande risej, we i tekem ples finis, i no gat wan long ol risej or investigesen ia, i kam blong pruvum se man i save kasem sik we i link or kamaot from exposa or from ius blong ol niu teknologi ia.

Big bodi ia 'ICNIRP' mo WHO i no save yet kasem tede se i bin gat sam saentifik investigesen we i pruvum se ius blong ol radio wave we man i iusum evridei nao, i givim o kosem sik ia COVID-19 vaerus. (bakeken lukim long ripot ((WHO), 2020) ((ICNIRP), 2020).

Folem ol ripot ia nao, ofis blong TRBR i wantem talemaot long pablik se ofis ia nomo TRBR (mo ino mogat eni nara ofis bakeken long Vanuatu) we i risponsiblol or wok blong hem i blong jekem ol fekwenci mo eni nara teknikal infomesen blong ol ekwipmen blong eni niu saet long Vanuatu.

Kasem tede, TRBR i no risivim yet aplikesen we i kam long wan Opereta long Vanuatu, we i wantem rollem aot 5G long kantri.

Gavman blong Vanuatu tru long ofis blong TRBR, i stap wantem askem strong long evri citizen blong kantri, blong stop pasemaot, or givimaot ol kiaman storian se 5G i givim sik COVID-19.

Gavman blong Vanuatu i stap askem strong tu long evri media outlet blong no putumaot eni storian or nius, we i talem se 5G hemi stamba blong sik ia COVID-19 unles ITU o WHO I konfemem.

Kasem tede TRBR i no risivim eni konfemesen i kam long ITU or WHO se 5G i kosem sik ia COVID-19.

You wantem save moa, plis yu ring I kam long ofis blong **Telekomunikesen, Radiokomunikesen mo Brodckasting Regulata**, (TRBR) long telephone + 678 27621 o email: enquiries@trbr.vu

References:

(ICNIRP), I. C.-I. (2020, April 4th). *ICNIRP*. Retrieved from International Commission on Non-Ionizing Radiation (ICNIRP): <https://www.icnirp.org/>

(WHO), W. H. (2020, April 8th). *WHO*. Retrieved from World Health Organisation (WHO): <https://www.who.int/peh-emf/publications/facts/fs304/en/>